

Amiidash Geneda agii maajiishkaachigaadeg newen debwe-endamowing e'msidwaamjigaadeg Gizhe-mnidoo aawid mayaamawi niigaanzid miinwaa naagojigaadeg inaaknigewin

#### Waawiindamaagem newen Dibiniweziwinan miinwaa Dibenindisowinan

1. Owi Canadian Mshkowaakinigewin newen Dibiniweziwinan miinwaa Debenindizowinan waawiindamaagemgad newen dibiniweziwinan miinwaa dibenindizowinan e'zhisjigaadeg zhiwe mnik goweta owi mink agaa zhisijigaadeg inaaknigewin e'debwe-endaagwog zhiwe bagaji ayaawin bemaadzijig nagmigewaad anikooinodewin.

### Naagaanendaagwog Dibenindizowinan

2. Kina agwaya daa-aanan ninda naagaan'endaagwog dibenindizowinan: (a) dibenindisowin owi naanaagdiwendamowin miinwaa izhitwaawin; (b) dibenindisowin owi nendamowin, debwe-endamowin, inendamowin miinwaa awii kidad enendang, dagosin dibendizowaad debaajimajig miinwaa aanin enkaazang dibaajimang; (c) dibendindizowin awii bekaa maawanj'iding; miinwaa (d) dibenindizowin awii wiijii-en.

## Bemaadzijig Nagmigewaad Dibiniweziwinan 3. Kina agwa zhinda debendaagozid Genada daa-aan dibiniwesiwin awii

aazhide'bii'iged enji naagmindwaa waajii-ejig Gichi-onashowigamig maage ozhigaadeg onashowewin maawanjidi'iwin miinwaa gikendaas mazinigan yang awii wiijiiwed zhiwe 4.(1) Gaawii gego Gichi-onashowigamig miinwaa gaawii gego ozhichigaadeg onashowewin maawanjidi'iwin adaa aabijibdesno woshme nana-biboongag apii awi daso-giizhigak agaa zhibiigaadeg awii bskaabiimgak newen maziniganan awipii aanji nagmindwaa gewe waajii'ejig (2) Apii gegeti maage akamagaadeg miigaadwin, biindageshkaageng maage bimaakwiiwaad bemaadzijig, owi Gichi-onashowigamig adaa aankesdonaa Gichi Onashowegamig miinwaa owi ozhigaadeg onashowewin maawanjidi'iwin adaa aankechigaade woshme naana biboon giishpin owi aankechigaade bwaa aanwendamowaad newen nendamowinan woshme beshig nsing mik waajii-ejig zhiwe Gichi-onashowigamig maage ozhigaadeg onashowewin maawanjidi'iwin, age zhiwebkiba. 5. Ada temgad namaadbiwaad Gichi-onashowegamig miinwaa ensa bezhig naaknige gamig gnigen agwa ngodin ensa mdaaswi-shi-niish giizis.

#### Aandkiin Dibiniweziwinan

■ 6.(1) Kina agwa zhinda debendaagozid Genada daa-aan dibiniweziwin awii biindiged Genada, izkwiid maage awii ani maajaad Geneda. (2) Kina bemaadzid e'dibendaagozid maampii Geneda eyaang zhigaabwiwin aawid gaagige endaad zhinda Genada adaa-aan dibiniweziwin (a) awii aanjiid miinwaa awii odaad dabigwaa-iidig kiinsing; miinwaa (b) awii dowaamdang nakiiwin dabigwa-iidig agwa kiinsing. (3) Newen dibiniweziwinan debaachigaadegin zhiwe aanike bakebiigan (2) dibegendaagwad owi (a) naaknigewinan maage zhichigewinan owi awii mazinigan e'mashikowaamgak zhiwe kiinsing gaawii age newen e-dabsenjigemgak gewe bemaadzijig memdage agwa owi kiinsing megwaa maage zhaazhigwaa agaa daad; miinwaa (b) naaknigewinan awii miindin nendowendaagwok nekweshkagaadeg awii adaang awii debnamang gimaa debagaadeg azhiwenjige anankiiwin. (4) Aanike bakebiiganan (2) miinwaa (3) gaawii adoo ngaasdosiin inaaknigewin, izhichigewin maage enakiin eyaamgag owi naawichigewin zhiwe kiinsing newen ezhiwebiziwaad bemaadzijig zhiwe kiinsing bimaadziwinwaa maage maajiishkaawinwaa maanaaji aawan giishpin owi epiitaag nakiiwin zhiwe kiinsing naami-iing magising yaawang maampii Genada.

#### Onashowe Dibiniweziwinan

7. Gaakina awiiya daa-aan dibiniweziwin owi bimaadiziwin, dibenindoziwin miinwaa waankiiwin owa bemaadzid miinwaa dibiniweziwin awii bwaa zaagtamaagaazad zhiwe naagajigaadeg newen naagaanendaagwok gwayak doodaagewin. 8. Gaakina awiiya daa-aan dibiniweziwin awii waankiid owi nendwendaagsinag nanaandonamaagewin maage odaapinamaagowin. 9. Gaakina awiiya daa-aan dibiniweziwin baabgwaadam awii bwaa ngaasjigaazad maage gabaakwind. 10. Gaakina awiiya daa-aan dibiniweziwin apii dakongaazad maage nagaashmind (a) wewiib awii wiindamowind gaanji doodawind owi; (b) awii ishkonaad giigidoninwon miinwaa wewiib awii wiindamowaad miinwaa awiii windamaagaazad owi dibiniweziwin; miinwaa (c) awii debnang gagwekwendamowin enji nagaashmind agaa giizhenjigaadeg nikaazan habeas corpus miinwaa awii bagidning giishpin owi nigaashimigewin gaawii gwekaaknigaasig. 11. Wegwe agwa bemaadzid agaa dakonngaazad agii majidodang adaa-aan dibiniwesiwin (a) Wewiib awii wiindamowin owi yaawang maii-oodamawon: (b) awii dibaaknind wiiba ezhi-gshkitchigaadeg; (c) awii bwaa wiigajichi'gaasig awii aawid agaa waamjiged zhiwe dinaangidonwinan azhidwin owa bemaadzid owi maji doodamowin; (d awii nenamind gaawiin agii ji-aananmendaagozid apiinish mikwowind gegeti agii baataadid naagjigaadeg onashowewin zhiwe miinwaa nyaagwag noondamwowin owa e-dibendizid mena gnoowaamjiged dibaaknige opabwin ; (e) awii bwaa aanwenjigaadeg zaagaji dibagewin bwaa temgak enji zhichigeng; (f) adash wiigwa owi aawang maji-doodamowin owi zhimaagnish-naaknigewin dibaaknidin zhiwe zhimaagnish dibaaknige opabwin, awii dibaaknind nikaazan bemaadzijig e-dibaaknigejig zhiwe memaanji shpaag bashazhegewin owi maji doodamowin aawan gabaakogaazwin naana-biboon maage woshme kichi basha'zhegewin; (g) awii bwaa mikowind gegeti agii-baataadi zaam gego zhichigewin maage bwaa temgak, owi apii aawan maji doodamowinzhiwe Canadian maage miziwekamig onashowewin maage meji-doodan newen ezhibiigaadegin nyaagajigaadegin onashowe nesdowaamjigaade newen kina inkaaneziwinan; (h) giishpin gegipii bagidaakonind owi maji-dodamowin, gaawii miinwaa awii dibaakanind miinwaa owi maji-doodamowin, miinwaa, agiispin makowind gegeti agii maji-doodang miinwaa agii bashazhewind owi maji-doodamowin, gaawii maamda miinwaa awii dibaaknigaazaad maag awii bashazhewind owi maji-doodamowing; miinwaa (i) giishpin agii makigaazad gegeti agii majidoodang miinwaa agiishpin owi basha'zhegewin agii aanjisigaadeg owi pii agaa doo miinwaa apii agaa dibaaknigaazad, owi bamitaage woshme nondaaj basha'zhegewin. 12. Kina

# **CANADIAN MSHKOWAAKINIGEWIN** NEWEN DIBINIWEZIWINAN MIINWAA DIBENINDIZOWINAN







gwaya daa-aan dibijiweziwin awii bwaa maji-doodwind maage maanaaji doodamowin maage basha'zhegewin. 13. Agaa waamjiged wiindamaaged zhiwe dibaaknidin adaa-aan dibiniweziwin gaawii gego anaamendaagoziwin gikenjigewin e'miigwed awa agaa waamjiged awii nikaazan awii anaamendaagozid owa agaa waamjiged gegoo dibaaknigewinin, amii goweta dibaaknind agii gagiinwishkid maage miigweg aagnowetaagwak gikenjiwewin. 14. Gwayaa maage agaa waamjiged wegwen agwa iidik dibaaknigewin nestadsig maage awii giigdad owi iniwewin zhiwe enji dibaaknidin enji temgak maage agee giibiibshed adaa-aan dibiniweziwin awii naadmaagwad

### Dibishikowendaagwag Dibiniweziwinan 15.(1) Ensa bezhig agwa bemaadzid dibishkowendaagozi jibwaa miinwaa naami

onaaknigewin miinwaa daa-aan dibinewiziwin naasaab awii gnowenjigaazad miinwaa naasaab bamitaagewin owi onaaknigewin bwaa dabasenjigaazad miinwaa, memdage agwa, bwaa dibasenimind zaam izhinaagozid, inakaneziwin maage ondakaaneziwin gaabi njibaad, enaazad izhitwaawin, gikoowaajinaagoziwin, epiitzid maage inendamowin maage wiiyaw beji-gshkitood (2) Bkaan-biigan (1) gaawii aanzwekaadesno gego onaaknigewin, nankiiwin maage danakmigad e'wenaamjigaadeg owi awii woshme anishing newen ezhiwebziwaad gewe dabasenjigaazwaad bemaadzijig maage ngodwewaangizijg 'dabasenjigaazjig zaam e'dagwayaajig gewe izhinaagozid, inakaneziwin maage ondakaaneziwin gaabi njibaad, enaazad, izhitwaawin, gikoowaajinaagoziwin, epittzid maage inendamowin maage wiiyaw beji-gshkitood.

#### Nesdowenjigaadegin Iniwewinan Maampii Genada

16.(1) Zhaaginaashiimowin miinwaa Wemitigoozhiimowin aawinon nii'iwiniwewinan maampii Genada miinwaa daa-aanaa-aa dibishko zhigaabwiwin miinwaa naasaab dibiniweziwin miinwaa debiziwin awii nikaazan kina agwa naakii-gamgoon Gichi-onashowewiigwaam miinwaa gimaa gamig maampii Genada. (2) Zhaaginaashiimowin miinwaa Wemitogoozhiimowin awaawinoon nesdowenjigaadeg odi New Brunswick miinwaa naasaab azhi gnowaamiigaadenon miinwaa naasaab dibiniweziwinan miinwaa debiziwin awii nikaazan kina nakii-gamgoon owi debaaknigejig miinwaa gimaa gamig odi New Brunswick. (3) Gaawiin agwa gego maampii Mshkowaakinigewining nigaasjigemgasno mashkowiziiwin owi Gichi-onoshowewiigwaam miinwaa gimaa gamig maampii Genada awii gagaandnigaadeg owi naasaab azhi gnowaamjigaadeg maage nikaazan Zhaagnaashiimowin miinwaa Wemitigoozhiimowin. 16.1 (1) Gewe Zhaaginaash iniwewin odenwinan miinwaa owi Wemitigoosh iniwewin odenwinan odi New Brunswick daa-aanaa naasbaa azhi gnowaamjigaadenon miinwaa naasaab dibiniweziwinan miinwaa debiziwin edagosin dibiniweziwin bezhigong kinomaage gamgoon miinwaa newen bezhigwon inaadiziwin wiigwaaman nendowendaagwog awii gnoweniigaadeg miinwaa awii gagaandnigaadeg ninda odenwinan. (2) Owi ado nakiiwinwaa gichionashowewiigwaam miinwaa gimaa gamig odi New Brunswick awii gnowenjigaadeg miinwaa awii gagaandnigaadeg owi ezhigaabwiimgag, dibiniweziwinan miinwaa debiziwinan agaa dibaachigaadeg zhiwe aanike-bakebiigan (1) mina daapnigaadenon. 17.(1) Kina gwaya daaaan dibiniweziwin awii nikaazad Zhaaaginaashimiwin maage Wemitigoozhimi aazhidenjigewin miinwaa nankiiwin zhiwe Gichi-Onashowewiigwaaming. (2) Kina gwaya daa-aan dibiniweziwin awii nikaazad Zhaaaginaashimiwin maage Wemitigoozhimiwin zhiwe aazhidenjigewin miinwaa nankiiwin zhiwe debaaknigejig odi New Brunswick. 18.(1) Newen inaaknigewinan, zagakbiigewinan miinwaa eshiwebak mazinigan owi

zhisijigaadeg agaa n'jibaamgak, wegwen agwa dibaanknige gamig agaa maajiishkaajigaadeg odi New Bunswick. 20.(1) Wegweniidig agwa bemaadzid maapii Gaaanandaa adaa-aan dibiniweziwin awii dinaangidonang, miinwaa awii debanan anakiiwinan odi, weweniidig agwa niigaanzii maage niigaanii nakii-gamig owi Gichi-Onashowewiigwaaming maage gimaa gamig maampii Genadaa nikaazad Zhaaaginaashimiwin maage Wemitigoozhimiwin, miinwaa daa-aan naasaab dibiniweziwin wegwen agwaa iidik nakii gamig maange wiigwaam zhiwe (a) gichi dowendaagwok awii dinaagido miinwaa inankiiwin odi nakii gamgoon owi iniwewin; maage (b) owi eshinaagwok owi nakii-gamig, dinenjigaade owi danaangidoniwin miinwa inakiiwinan odi nakii gamgoon awii temgak neniish agwa Shaagnaashimiwin miinwaa Wemtigooshimiwin. (2) Wegweniidig agwa bemaadzid odi New Brunswick adaa-aan dibiniweziwin awii dinaangidonang, miinwaa awii debanan anakiiwinan odi, weweniidig agwa niigaanzii maage niigaanii nakii-gamig owi Gichi-Onashowewiigwaaming maage gimaa nig maampii New Brunswick nikaazad Zhaaaginaashimiwin maage Wemitigoozh 21. Gaawii gegoo zhiwe bakebiiganan 16 apiinish 20 ekwasijigaadesno maage dibasnigaadesno ngoji owi dibiniweziwin, dabisenjigewin maage nendowendaagwok owi Zhaagnaash miinwa Wemitigozh iniwewin, maage agwaa wegwendik agwa newen, etemgak maage aabjisemgak owi onji gego begidingaadeg owi Gichi-Onaaknigewin maampii Genadaa. 22. Gaawii gegoo zhiwe bakebiiganan 16 apiinish 20 ekwasijigaadesno maage dibasnigaadesno ngoji owi dibiniweziwin gego onashowe maage inaadiziwin dibinewiziwin maage debisenjigewin debnigaadeg maage beshigendaagwok wegweniidig agwa jibwaa maage agaa shkwaa maajitaamgak mshkowiziiwin maanda Mshkawaakinigewin wegwen agwa genwaamjigaadeg iniwewin gaawii aawisinag Zhaagnaazhiimiwin maage Wemitigozhiimiwin. Naawaaj Iniwewin Kinomaadiwin

19.(1) Zhaaginaashiimiwin maage Wemitigoozhiimiwin adaa nikaasan bemaadzid zhiwe, maage

zhaagoozongewin maage agaa zhisijigaadeg agaa n'jibaamgak, wegwen agwa dibaanknige gamig

agaa maajiishkaajigaadeg odi Gichi-Onashowewiigwaaming. (2) Zhaaginaashiimiwin maage Wemitigoozhiimiwin adaa nikaasan bemaadzid zhiwe, maage zhaagoozongewin maage agaa

### Dibiniweziwinan

23.(1) Debendaagozijig zhinda Geneda (a) Ado ntam iniwewinwaa agaa gikendamowaad

miinwaa yaa-aabi e'nsastamwaad e'yaawang Zhaagnaash maage Wemitigosh iniwewin naawaaj bemaadzijig eyaa-aad zhiwe kiinsing endanakiiwaad, maage (b) agaa debnamwaad ntam kinomaagewin maampii Geneda agii aawan Zhaagnaashiimiwin maage Wemitigozhiimiwin miinwaa danakiiwaad zhiwe kiinsing zhiwe owi iniwewin agii debnamwaad kinomaadwin aawan iniwewin gewe Zhaaginaash maage Wemitigosh iniwewin naawaaj bemaadzijig eyaa-aad zhiwe kiinsing, adaa-aanaa-aa dibiniweziwin ado binoojiinmiwaan awii debnamwaad shki akoonwiwin miinwaa ekwa niizhing skoonwiwin owi niwewin zhiwe kiinsing. (2) Debendaagozijig zhinda Geneda owa binoojiin agaa debnang maage megwaa e'debnang shki maage ekwa niizhing skonwiwin kinomaagewin Zhaagnaashiimang maage Wemtigooshiimang maampii Geneda adaa-aanaa-aa kina ado binojiinmiwaan awii debnamwaad shki miinwaa ekwa niizhing skoonwi kinomaagewin naasaab iniwewin. (3) Owi dibenziwin gewe debendaagozijig zhinda Geneda zhiwe aanike-bakebiigan (1) miinwa (2) awii yaawaa-aad adoo binoojiinmiwaan awii debnamwaad shki miinwaa ekwa niizhing skoonwi kinomaagewin owi iniwewin gewe Zhaaginaash maage Wimitigosh iniwewin naawaaj bemaadzijig eyaa-aad zhiwe kiinsing (a) Nikaazam dibigwa-iidig owi mnik

binoojiinig gewe e'dibendaagoziwaad eyaamjig owi dibiniweziwin debsewog awii miingaazwaad dibagaadeg nikaazan gimaa zhoonyaa owi naawaaj iniwewin kinomaadiwin; miinwaa (b) dagosin age, zhiwe debsewaad binoojiinig awii debwe-endaagwog, owi dibiniweziwin awii debnamwaad kinomaagewin zhiwe naawaaji iniwewin kinomaage gamgoon e'miigwen nikaazan

Bimaaknigaadeg

24.(1) Wegwen agwa iidig adoo dibiniweziwinan maage dibendiziwinan, agaa waawiindamaagemgak maanda Mshkawaakinigewin, agii biigonigaadeg maage aagonotaageng adaa gagwediwen enji dibaakniding owi negijitood aanizikaaning awii debnigaadeg naawichigewin ezhi mikang dibaaknige gamig nandowendaagwag miinwaa gwayaak aawin agaa zhiwebak. (2) Zhiwe, enji dibaakniding zhiwe aanike bakebiigan (1) dibaaknige gamig giizhiitaa owi gikenjigewin agii debnigaade nikii-aa agaa biigobijigaadeg maage agii aagnotaadin gego dibinewiziwin maage debendiwinan waawiinjigaadeg maanda Mashkawaakinigewin owi gikenjigewin gaawii adaa dagosizino giishpin agaai mikigaadeg agii, naagdowenjigaadeg kina agaa zhiwebak, owi bagidnigaadeg owi dibaknidin adaa maanaanji gnowaamjigaade owi ogimaakdaagen gwayak doodaagewin.

#### General

25. Maanda waawiindamaagemgak maampii Mshkawaakinigewin newen dibiniweziwinan miinwaa dibendiziwinan gaawii adaa zhi nsastagaadesnon awii ekwaasjigaadesnag maage dibasnigaadenag gego Anishinaabe, nakomidiwin maage gego bkaan dibiniweziwinan maage debendiziwinan niwe Anishinaabe bemaadzijig maampii Genada edagosin (a) kina dibiniweziwinan miinwaa dibendiziwinan magwa etegin owi gaa-gagwe-giiwe odaapinigaadeg aki nakodamowinan maage agaa debinigaadeg. 26 Owi waawindamaagewin maapii Mshkawaakinigewin aanin bibiniziwewinan miinwaa dibendizowinan gaawii adaa azhi gnowaamjigaadesno bwaa gagwekwenjigaadeg gegoo aanin dibiniweziwinan maage dibendiziwinan etemgak zhinda Genada. 27. Manda Mshkawaakinigewin adaa azhi gnowaamjigaade owi nikii-aa naasaab yaawang owi naagdowenjigaadeg miinwaa giikinigaadeg maawando-inaadiziwin gewe Canadians. 28. Boochigwa gego zhinda Mshkawaakinigewin, newen dibendiziwinan miinwaa dibendiziwin debaachigaadegin zhiwe gagwekwenjigaadenoo nenaasab agwaa ninwog maage kwewok. 29. Gaawii gegoo zhinda Mshkawaakinigewin ekwaasijigaadesno maage dibasnigaadesno gegoo niwen dibiniweziwinin maage dibendiziwinan e'waawiindamaagemgak maapii maage zhinda owi Gichi Inaakinigewin maapii Genada newen izhitwaawinan, bkaan maage bkaan enendamajig kinomaage gamgoon. 30. Owi dibaachigaadeg maampii Mshkawaakinigewinin owi kiins maage onashowewinikiwewin maawinjidiwin maag onashowewinikiwewin odi kiinsing adaa gnowaamjigaadeg awii dagosin dibaachigaadeg Yukon Territory miinwaa Northwest Territories, maage owi maagsemgak onashowewinikiwewin gashki-iwewiziwin zhiwe, manji agwa ezhiwebak. 31. Gaawii gegoo zhinda Mshkawaakinigewin giiksidosiin onashowewinikiwewin mashkowiziiwinan wegweniidik agwa maage gashki-iw

#### Aabadag owi Mashkowiziiwinan

32.(1) Maanda Mshkawaakinigewin aabadad (a) Gichi-onashowewiigwaam miinwaa gimaa gamig maanpii Genada newen bebaamendaagwok zhiwe mshkowiziiwin owa Gichionashowewiigwaam e'dagosin kina bebaamendaagwok odi Yukon Territory miinwaa Northwes Territories; miinwaa (b) owi onashowewinikiwewin miinwaa gimaa gamig newen kina kiinsan newen kina bebaamendaagwok Yukon Territory miinwaa Northwest Territories gashkiiweziwin owi onashowewinikiwewin zhiwe bezhig kiinsan. (2) Boochigwa anike bakebiigaans (1), bakebiigan 15 gaawii ada maajiishkaasino baamaapii niswa baboon shkwaa maajiibidge maanda bakebiigan. 33.(1) Gichi-onashowewiigwaam maage onashowewinikiwewin zhiwe kiinsing adaa gagetnaamtaagozi zhiwe inaaknigewin owi Gichi-onashowewiigwaam maage e'onashowewinikiwewin, boochigwaa owi Inaakinigewin maage bagidnigewin agaa zhichigaadeg ada bamibid owi bagidnigewin e'dagosin bakebiigan 2 maage bakebiianan 7 apiinish 15 ma Mashkowaakinigewin. (2) Inaaknigewin maage bagidinigewin owi Inaaknigewin zhiwe gichiwiindamaagewin agaa zhichigaade maampii bakebiinganin bamibdemgak adaa nikaazam age temgak-ba dash wiigwa owi begidnigewin maanda Mshkawaakinigewin agaa waawinjigaadeg zhiwe gichi-wiindamaagewining. (3) Gichi-wiindamaagewin agaa zhichigaade aanike bakebiigan (1) adaa ngaase nishin naana biboon shkwaa maajitaamgak maage woshme wiiba ezhibiigaadeg zhiwe gichi-wiindamaagewining. (4) Gichi-onashowewiigwaam maage onashowewinikiwewin zhiwe kiinsing adaa eenji-maaji'chigaade gichi-wiindamaagewin zhichigaadeg zhiwe aanikebakebiigan (1).(5) Aanike bakebiigan (3) nikaazam owi gichi-wiindamaagewin agaa zhichigaadeg zhiwe aanike bakebiigan (4).

#### Maamiikwaadamowin

34. Maanda zhibiigan adaa gikenjigaade aawan Canadian Mashkawaakinigewin owi Dibiniweziwin miinwaa Debendiziwinan.

" Aabdeg nangwa agwii maajiishkaatonaanan niigaanendaagwok nyaagjigaadegin, newen e'niigaanendaagwok bechi nendamang miinwaa debwe-endamowinan ee.maamwi majinigiyin aawi'ying Canadians amiidash zaagji-iing endanakii-ing temgad dnowi bimaadziwin miinwaa izhichigewin gechi-piitendaagwok awii maamiikwendamang maanda gdoo kiim-naang maagowing dibensiwinan miinwaa cihi mina-nendamowin."

Maanda nikii-aa zhibiigan agii mazinaakzigaade gewe Canadians iniwewinwaa gaawii aawizinag Zhaagnaashiimwin maage Wemitigozhiimiwin. Gaawii maanda aawizino ogimaa biigan owi Canadian Mshkowaakinigewin newen Dibinewiziwinan miinwaa Debendiziwinan. Ogimaa biigan adaa gnowaamjigaade giishpin dowendaman awii nsastaman maange owii nikaazyin newen begidnigewinan maanda mazinigan.

debaaknigejig odi New Brunswick

ada mizinaakzigaadenoon miinwaa

waamdowem Zhaagnaashiibiigaadeg

miinwaa Wemitigoozhimiwin miinwaa

neniish agwa iniwewinan zhibiiganan naasaab azhi mshkowiziimgadoon.